

Na osnovu člana 2.12 i 2.14. Izbornog zakona Bosne i Hercegovine («Službeni glasnik BiH», broj 23/01; 07/02; 09/02; 20/02; 25/02; 04/04; 20/04; 25/05; 52/05; 65/05; 77/05; 11/06; 24/06; 32/07; 33/08; 37/08 i 32/10), člana 7. Upustva o utvrđivanju kvalifikacije, broja i imenovanju članova izborne komisije osnovne izborne jedinice u Bosni i Hercegovini («Službeni glasnik BiH», broj 9/10 i 37/10) i člana 35. Statuta općine Zavidovići («Službeni glasnik općine Zavidovići, broj 5/08 i 5a/08) Općinsko vijeće Zavidovići, na 31.sjednici održanoj dana 28.02.2011. godine, donijelo je

O D L U K U

o raspisivanju javnog oglasa za imenovanje člana općinske izborne komisije Zavidovići

Član 1.

Općinsko vijeće Zavidovići raspisuje javni oglas za imenovanje 2 (dva) člana Općinske izborne komisije Zavidovići, 1 (jedan) iz reda bošnjačkog i 1 (jedan) iz reda hrvatskog naroda.

Član 2.

Članove Općinske izborne komisije imenuje Općinsko vijeće Zavidovići uz saglasnost Centralne izborne komisije Bosne i Hercegovine na period od 7 (sedam) godina

Član 3.

Uslovi, koje kandidat za člana Općinske izborne komisije, treba ispunjavati su slijedeći:

Uslovi iz člana 2.2. Izbornog zakona BiH:

- Član Općinske izborne komisije je lice s pravom glasa;
- Član Općinske izborne komisije je s odgovarajućom stručnošću i iskustvom na provedbi izbora;

U skladu sa Upustom o utvrđivanju kvalifikacije, broja i imenovanja članova izborne komisije osnovne izborne jedinice u Bosni i Hercegovini, član Općinske izborne komisije mora ispunjavati i posebne uslove:

- a) da ima prebivalište u općini za koju se imenuje izborna komisija;
- b) da ima završen pravni fakultet, odnosno VII/1 stepen stručne spreme društvenog smjera ili završenu višu školu odnosno VI/1 stepen stručne spreme društvenog smjera,
- c) da posjeduje iskustvo u provođenju izbora,
 - (1) pod iskustvom u provođenju izbora podrazumijeva se:
 - a) članstvo u izbornoj komisiji,
 - b) članstvo u biračkom odboru,
 - c) rad u stručnim organima koji su pružali pomoć u provođenju izbora i
 - d) objava stručnih i naučnih radova u oblasti izbora

Kriteriji za imenovanje članova Općinske izborne komisije:

«član općinske izborne komisije po članu 2.12. može biti predsjednik ili sudija redovnog suda, sekretar općinskog vijeća, odnosno skupštine opštine i gradskog vijeća, lica profesionalno zastupljena u općinskim organima uprave i druga lica, ako ispunjavaju uslove određene članom 2.2. ovog Zakona, a nemaju smetnji iz člana 2.3. ovog Zakona.

- 47 -

Član 4.

«Za člana općinske izborne komisije po članu 2.3. Izbornog zakona BiH: NE MOŽE biti imenovano lice:

1. koje se ne može kandidovati u smisli odredbi člana 1.6., 1.7. i 1.7.a Izbornog zakona BiH;
2. koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora)
3. koje je nosilac izabranog mandata ili je član izvršnog organa vlasti, osim u slučajevima predviđenim članom 2.12. stav 4.ovog Zakona.
4. koje je kandidat za izbor za bilo koji nivo vlasti,
5. kojom je izrečena kazna za težu povredu izbornog zakona ili propisa za koji je lično odgovorno, u posljednje četiri godine, računajući od dana pravosnažnosti odluke»

Član 5.

«Član općinske izborne komisije po članu 2.12. stav 7. Izbornog zakona BiH NE MOŽE biti zastupnik, odnosno punomoćnik subjekta, koji učestvuje na izborima, ili lice koje je pravomoćnom sudskom presudom osuđeno na kaznu zatvora u trajanju od šest mjeseci ili duže.»

Član 6.

«Sastav izborne komisije u skladu sa članom 2.14. Izbornog zakona, je multietičan, tako da odražava zastupljenost konstitutivnih naroda, uključujući i ostale, vodeći računa o posljednjem popisu provedenom na državnom nivou.

Sastav komisije će u pravilu odražavati ravnopravnu zastupljenost spolova.»

Član 7.

Uz prijavu na javni oglas potrebno je dostaviti slijedeću dokumentaciju:

1. kraća biografija sa ličnim podacima kandidata (ime, prezime, ime oca, jedinstveni matični broj, tačna adresa, broj telefona za kontakt, kao i podatke o kretanju u službi),
2. ovjerenu fotokopiju diplome o završenom stepenu i vrsti stručne spreme,
3. dokaz o izbornom iskustvu za kandidata (potvrda Općinske izborne komisije o radu na biračkom mjestu, rješenje o imenovanju u Općinsku izbornu komisiju ili birački odbor, ili neki drugi dokaz, koji može potvrditi da kandidat ima izbornu iskustvo),
4. svojeručno potpisana i od nadležnog organa ovjerena izjava o nacionalnoj pripadnosti,
5. svojeručno potpisana i od nadležnog organa ovjerena izjava o nepostojanju smetnji iz člana 2.3. Izbornog zakona BiH (da nije član najvišeg izvršno-političkog tijela političke stranke ili koalicije; da nije kandidat za izbor za bilo koji nivo vlasti; da nije izrečena kazna za težu povredu izbornog zakona ili propisa za koji je lično odgovorna u posljednje četiri godine računajući od dana pravosnažnosti odluke)
6. fotokopija lične karte i uvjerenja o prebivalištu izdatog od strane CIPS-a;
7. popuna upitnika Centralne izborne komisije.

Član 8.

Za provođenje postupka javnog oglasa i utvrđivanje prijedloga kandidata za Općinsko vijeće, ovlašćuje se Komisija za izbor i imenovanja Općinskog vijeća Zavidovići- Konkursna komisija.

- 48 -

Konkursna komisija iz stava jedan ovog člana dužna je Općinskom vijeću Zavidovići podnijeti pismeni izvještaj koji će sadržavati podatke o svim kandidatima, izvještaj o provedenom intervju sa kandidatima koji ispunjavaju uslove javnog oglasa i rang listu sa redoslijedom kandidata prema postignutom uspjehu.

Član 9.

Tekst javnog oglasa za imenovanje člana općinske izborne komisije Zavidovići prilaže se uz predmetnu odluku i čini njezin sastavni dio.

Javni oglas za imenovanje člana Općinske izborne komisije Zavidovići, objaviti u dnevnom listu «Dnevni avaz» i Web stranici općine Zavidovići.

Rok za podnošenje prijave na javni oglas je 8 dana od dana posljednje objave.

Član 10.

Ova odluka stupa na snagu prvog narednog dana od dana objavljivanja u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE-

Broj: 01-05-348/11
Datum, 28.02.2011. godine

(M.P.)

PREDSJEDAVALAČI
OPĆINSKOG VIJEĆA

ing. Radosav Petrović, s.r.